

दाहुः । कस्मादभिस्वयमातृष्मन्त्या इष्टका उपधीयन्ते प्राच्य एता इति द्वे वै यो-  
नीऽइति ब्रूयादिवयोनिरन्यो मनुष्ययोनिरन्यः प्राचीनप्रजनना वै देवाः प्रतीचीन-  
प्रजनना मनुष्यास्तद्यदेताः प्राचीरुपदधाति देवयोनेरेवैतद्यजमानं प्रजनयति  
॥ ४० ॥ ब्राह्मणम् ॥ २ [४. २.] ॥ तृतीयः प्रपाठकः ॥ कण्डिकासंख्या ८५ ॥ चतुर्थी  
अध्यायः [४७.] ॥ ॥

कूर्ममुपदधाति । रसो वै कूर्मो रसमेवैतदुपदधाति यो वै स एषां लोकाना-  
मप्सु प्रविद्धानां पराङ्मुखोऽत्यक्षरत्स एष कूर्मस्तमेवैतदुपदधाति यावानु वै रस-  
स्तावानात्मा स एष इमं एव लोकाः ॥ १ ॥ तस्य यद्धरं कपालम् । अयं स  
लोकस्तत्प्रतिष्ठितमिव भवति प्रतिष्ठित-इव क्षयं लोकोऽथ यदुत्तरं सा द्यौ-  
स्तद्व्यवगृहीतान्तमिव भवति व्यवगृहीतान्तेव हि द्यौरथ यदन्तरा तदन्तरिक्षं स  
एष इमं एव लोका इमानेवैतल्लोकानुपदधाति ॥ २ ॥ तमभ्यनक्ति । दध्ना मधु-  
ना घृतेन दधि दैवास्य लोकस्य दूषं घृतमन्तरिक्षस्य मधुमुष्य स्वेनैवैनमेतद्रूपेण  
समर्धयत्यथो दधि दैवास्य लोकस्य रसो घृतमन्तरिक्षस्य मधुमुष्य स्वेनैवैनमेत-  
द्रसेन समर्धयति ॥ ३ ॥ मधु वाता ऋतायतऽइति । यां वै देवतामृगभ्यनूक्ता यां  
यजुः सैव देवता सऽर्कसो देवता तद्यजुस्तद्वैतन्मध्वैष त्रिचो रसो वै मधु रस-  
मेवास्मिन्नेतदधाति गायत्रीभिस्तिष्ठतिस्तस्योक्तो बन्धुः ॥ ४ ॥ स यत्कूर्मो नाम ।  
एतद्वै दूषं कृत्वा प्रजापतिः प्रजा असृजत यदसृजताकरोत्तद्यदकरोत्तस्मात्कूर्मः क-  
श्यपो वै कूर्मस्तस्मादाहुः सर्वाः प्रजाः काश्यप्य इति ॥ ५ ॥ स यः स कूर्मोऽसौ  
स आदित्यो । ऽमुमेवैतदादित्यमुपदधाति तं पुरस्तात्प्रत्यञ्चमुपदधात्यमुं तदादि-  
त्यं पुरस्तात्प्रत्यञ्चं दधाति तस्मादसावादित्यः पुरस्तात्प्रत्यङ् धीयते दक्षिणतो  
ऽषाढायै वृषा वै कूर्मो योषाषाढा दक्षिणतो वै वृषा योषामुपशेतेऽरन्निमात्रे  
ऽरन्निमात्राद्धि वृषा योषामुपशेते सैषा सर्वासामिष्टकानां महिषी यदषाढितस्यै